

Aktivnost Poslovnog udruženja

Dana 13. I 1964. godine održan je sastanak Izvršnog odbora Poslovnog udruženja privrednih organizacija slatkovodnog ribarstva »Kornatexport-import« Zagreb. Sjednica je održana u Zagrebu. Na dnevnom redu sastanka bila je:

Analiza rada u 1963. godini, plan izvoza za 1964. godinu i ostali problemi, značajni za normalan i uspješan rad Poslovnog udruženja. Na sjednici je direktor Biroa Poslovnog udruženja ing. Baričić Vjekoslav podnio izvještaj o radu u protekloj 1963. i o zadacima i perspektivi za rad u 1964. godini. Zahvaljujući uspješnoj i najužoj saradnji članova

sa Biroom Poslovnog udruženja, godišnji plan izvoza je ne samo izvršen, već i osjetno premašen, kako u naturalnom, tako i u novčanom pokazatelju, dok su u isto vrijeme troškovi poslovanja, i pored toga što su usluge i sve ostalo poskupile, znatno niže. Na sjednici je usvojen plan izvoza za 1964., koji će se predložiti Upravnom odboru na odobrenje. Sjednica Upravnog odbora Poslovnog udruženja zakazana je za 31. I 1964. godine. Na sjednici će se pretresti završni račun za 1963. godinu, izabrati novi predsjednik, potpredsjednik i Izvršni odbor Poslovnog udruženja, te razne komisije i

27

pretresti druga pitanja, kao na pr. plan izvoza za 1964. godinu i troškovi poslovanja.

Analizirajući rad Poslovnog udruženja Izvršni odbor konstatira, da je za pitanje izvoza pronađen pravilan put, dok Udruženje u protekloj godini nije našlo način kako riješiti pitanje prodaje i plasmana ribe na domaćem tržištu. Tom problemu u

ovoj godini poklonit će se daleko veća pažnja. To tim više, što organizacija prodaje na domaćem tržištu nije više samo stvar privrednih organizacija, već čitavog društva.

Imajući ovo u vidu, Upravni odbor Poslovnog udruženja posebno će raspravljati o ovom pitanju i odrediti perspektive za daljnji rad. P. P.